

山西府縣志輯

山西府縣志輯

道光太平縣志(二)
光緒太平縣志



中國地方志集成

山西府縣志輯 ⑤③

光緒太平縣志

道光太平縣志(二)

鳳凰出版社 ● 上海書店 ● 巴蜀書社

周簡王元年晉遷於新田今山西平陽府曲沃縣有絳邑故城卽
 晉新田地初晉人謀去故絳諸大夫皆曰必居郇瑕氏之地今山
 西蒲州府臨晉縣有瑕城卽郇瑕氏故地河東鹽池在其北帝舜
 所謂南風之薰草晉民之財者也故諸大夫以沃饒近鹽國利民
 樂爲言欲得其地而居之獨韓厥以爲不可謂建都立邑必擇土
 厚水深之處然後可以育養人民郇瑕土薄水淺不如新田水土
 深厚有汾澮以流其惡無沉溺重腫之疾至謂山澤林藪爲國之
 寶國饒則民驕佚近寶公室乃貧理固如此而其矢意所屬惟以
 太平縣志 卷三 藝文中 考 一

瑕邱水土淺薄民愁墊隘始爲探本之論以息衆議而定居非謂
 林藪之不可寶也春秋大事表曲沃縣西南二里爲晉新田成六
 年景公遷都於此亦謂之絳自此以後傳文所書絳皆新田之絳
 矣顧寧人晉都考晉先後四都春秋時晉本都翼在今翼城縣昭
 侯封文侯之弟於曲沃桓叔之孫武公滅翼而都曲沃在今聞喜
 縣其子獻公城絳居之在今太平縣南二十五里士蔿所築城趾
 尚存歷惠懷文襄靈成六公至景公遷於新田在今平陽絳縣後
 魏始名曲沃當汾澮二水之間於是命新田爲絳而以故都之絳
 爲北絳

荀息論

宋尚書左僕 司馬光 君實 澗水 荆益文正

晉獻公使荀息傅奚齊荀息曰臣竭其股肱之力不濟則以死繼
 之及里克殺奚齊荀息死之君子曰詩所謂白圭之玷尚可磨也
 斯言之玷不可爲也荀息有焉杜元凱以爲荀息有此詩入重言
 之義以愚觀之元凱失左氏之意多矣彼生與言死而晉之者是
 小人穿窬之行君子所不譏也夫立嫡以長正也獻公溺於嬖寵
 廢長立少荀息爲國正卿不能明白禮義以格君心之非而遽以
 死許之是則荀息之言玷於獻公未沒之前已不可救於已沒之
 後也然則左氏之志所以貶荀息而非所以爲褒也

太平縣志

卷三 藝文中

論

二

嘗聞為將者當務萬人敵不當務一人之敵也夫携劍搏鬪一人之敵也其事小運籌制勝萬人之敵也其事大古之名將莫不以其大者自務而以其小者視人蓋以其事固在此而不在彼也昔者燕丹含怒思以一劍恤恨卒圖窮七露哀奈政何論者以為嬴秦當與為荆卿惜而不知其所自任者謬也三晉滅智豫讓思以報無卹乃一則如廁動心再則過橋驚馬雖舞劍擊衣災之於趙何損不為深謀遠慮而冀以一劍報國士之恩難矣楚漢爭鋒之際漢弱而楚強乃以七十餘戰之威卒敗垓下豈兵力至是而屈

太平縣志

卷三 藝文中

論

三

哉蓋以獨力自恃中鮮臧謀之故也魏惠攻韓涓稱大將齊師入境滅竈誘敵涓於此時不能出長策圖萬全而乃輕兵驅利墮計馬陵毋惑舉火未及而萬弩攢軀也不然諸葛武侯綸巾羽扇服蠻虜制強敵曹魏孫吳望風而潰初未聞其手持寸刃也淮陰將兵多多益善亦不聞矯矯然以劍自雄也他如韋懷文羸不及騎板輿督軍劍非其所長矣會須威魏師走元英雍雍平儒將風流大宇自藏巨闕耳何嘗撫劍疾視哉乃知油潼畫計轅門妙奇則將事原野設伏相時投機則將事行見謀猷之芒刃太阿斂鋒威武之利鏘含光避銳指揮之鋒銛莫錮護武設施之鑿鍊雪練莫

倫談笑之中有湛盧几席之間有飛景彼一劍不過擊人五步而

吾不劍之劍則千里殺將也彼一劍不過能斬一人而吾不劍之劍則萬眾咸戮也彼一劍不過威以服人而吾不劍之劍則不戰服心也若而將者則韓信與劉滅項之芳塵可步而荆軻秦廷立斃之烈禍不致矣孔明羽主三分之盛軌可駕而豫讓橋下危身之慘害不招矣懷文破魏強國之勲猷可恃而項羽烏江伏刃之敗跡不蹈矣元凱平吳安晉之鴻名可並而龐涓樹下引頸之潰聲不羅矣茲非其以不劍之劍為事哉然是不劍之劍要必以心境為爐學問為銅素養為火候侯大冶之陶鑄無不盡其極於焉

太平縣志

卷三 藝文中

論

四

運之無前劍也無形斯為天下之神劍

遷驛辨

進士劉贊邑人

古無史村驛也曲沃志以遷移為改還誣已其云明洪武八年改
 太平相里驛於蒙城留厥夫於史村考明史不載遷驛事則改驛
 之說為附會無疑蓋飛符傳命經國要務明太祖振古人豪一政
 之成必幾經廷議斷自宸衷更路遷驛祖制國典何以不載史冊
 况明初建都金陵有事晉省或不必經由太平曲沃豈有無端遷
 驛之理並洪武八年亦沃志臆說耳是以曲沃稟言洪武而奏摺
 言志載明季稟言歷考統通府縣志及該縣兩驛碑文咸載改設
 原委寔其改設之由父老傳聞云云則亦沃令自為傳聞而已竊
 太平縣志

卷三 藝文中

辨

五

以國都縣邑代有更易要亦其時因利乘便政體宜然相里果為
 何代驛站渺不可知但地形既異驛路自更其設之蒙城而不於
 史村也必一時清釐驛站按途計里確不可易是以數世遵守罔
 敢輕議倘謂驛設蒙城不如遷史村之可以均勞逸而紓馬力豈
 前人之知必出今人下哉蒙城踞壚頭山嶺巔其北下嶺峻坡陡
 四里許為邑之蒙村村居嶺陰故名蒙家有溝深可數百丈自
 嶺巔至溝底經之者馳驟康莊如身墜井底因名蒙坑古人謂為
 天險後魏書將軍安同曰臣嘗受遺詣絳督租見汾東有蒙坑東
 西三百餘里蹊徑不通卽此厥後溝有橋坦然成大道俗謂古蒙

坑今為蒙亨遂以蒙坑為蒙亨云而過橋直上數里過蒙城亦下

坡里許其路之艱於馳驅如故也當設驛之特意必謂蒙城去平
 陽八十里嶺以下地平路近自北而南上嶺卽馬力可息去侯馬
 五十里路極阻長故二十三年邑令南應泰移腰站於辛店而沃
 令張坊卽曉曉具詳謂辛店去侯馬三十里實則步丈三十七里
 則辛店至蒙城二十里當亦實二十五里為六十餘里之站而自
 南而北上嶺亦可以息馬力矣以至近之八十里與至遠之五十
 里為適中前人計道里而恤馬力可謂曲至遂於嶺巔建城為驛
 亦名之曰蒙而額馬四十頭翼城則二十二頭半絳州一頭太平
 太平縣志

卷三 藝文中

辨

六

十一頭曲沃僅五頭半而已是豈遷驛蒙城以苦沃民也哉况
 國家立制周詳有一馬卽有一馬支給有一夫卽有一夫工食公事
 公辦本不遺累編氓驛在曲沃而太平協濟馬十一頭並協濟侯
 馬一十七頭太邑官民越境急公數百年羣安於王土王臣之義
 驛在曲沃猶之驛在太平也今以史村為適均史村至平陽六十
 里固為甚便去侯馬七十里實則八十餘里侯馬至辛店三十七
 里沃令詳謂南令私移腰站數日卽跑斃健馬二匹腰站設於高
 縣而史村之馬馳四五十里而後上下峻嶺復馳二十里而至史
 村馬皆官馬也何不幸而為史村之馬哉且古建蒙城驛於嶺巔

設驛丞一員所以司驛務亦所以守險隘蒙城固曲沃之門戶亦
太平之籓籬也移驛裁丞蒙城即為閒地與破門戶而撤籓籬何
異張令朦朧詳稟以致險弛馬困良可痛已詳又謂遷驛曲沃舍
大道而新開隘口蒙坑豈歷代用武拒險至遷驛時始有新路以
致沃有兩驛哉要其意亦非加厚沃人留千年去後之思故誕其
詞以聳聽也不過因一縣兩驛當軍務繁興之際縣官難於奔走
應付耳嗟乎有治法無治人小民苦累不歸咎於辦理之不善而
歸咎於驛是紊郵政也或曰據絳州志高僉都御史鐸實奏遷金
臺驛於侯馬因遷太平相里驛於蒙城鄉先生能更制以厚其鄉
太平縣志

卷三 藝文中

辯

七

藉口也

巴山辨

劉贊

博物記臨汾縣地有賈鄉賈伯邑後魏書魏太祖圍姚平於柴壁
渡汾西築圍南扼蒙坑東杜新坂守天渡屯賈山使平水陸絕路
蒙坑新坂天渡賈山俱柴壁近地天渡當在今東西吉賈山當在
柴壁西北今西賈東北岡阜與北賈南賈連界其地意西周之賈
國而姬姓伯爵者也伯字必駕切巴字去聲或實賈伯山而訛伯
為巴也巴蛇名巴之死其骨為陵巴山形亞於西北岡阜西溝東
河臨深為高南北長三十里東西寬五里既訛伯為巴遂以其形
如蛇而因以其骨為陵象之因名巴山與左傳桓九年虢伯芮伯
太平縣志

卷三 藝文中

辨

八

梁伯荀侯賈伯伐曲沃臨汾地有賈鄉為賈伯邑意曲沃之強近
先滅賈遷賈伯於西山麓今縣西有賈岡賈坊或即賈鄉坊岡與
鄉音近與俱未可知也或曰文獻通考載賈國在今同州夫虢芮
荀俱近曲沃故周釐王命之賈國遠在秦雍何以命及通考註賈
國在同州可疑則左傳敘梁亦可疑何也左傳固漢張蒼之書而
非周之左邱明氏也

王氏族譜說

明廣文 王應時邑人

王氏之譜譜王氏之族也族而譜之者何示不忘也示不忘何與孝弟之心也古者尊祖貴宗諸侯大夫士之家皆有譜牒以序世次故死者有祠生者有宗其昭穆不可紊其子孫至於百世而不能忘後世禮衰譜廢士大夫不講且世之由賤而貴者恥言其先由貧而富者不錄其祖故世之能知其所自出者蓋寡矣夫人之一身故世之後支流蔓衍則其生齒必繁繁則渙渙則踈踈則忘居處不識問訊不通喜不慶憂不恤如路人矣此無他譜籍之立故也譜一立焉按而考之則知某之祖某也某之考某也某之

太平縣志

卷三 藝文中

說

九

祖與某之祖兄弟也某某皆出於某之後也某與某其相去親踈遠近幾何也自今觀之雖若路人然邈而求之則其初一人之身也知其初為一人之身則一本之義自不容忘而親親之情著孝弟之道彰由是而居者相聚離者相問喜相慶憂相恤豈復如路人哉吾之先人不知始居太平者為誰意者其來遠矣故不可考自吾高祖而下至於吾凡五世僅得其次廼序之為譜其諸子孫以次著其下俾後之生者得以續增而不窮焉嗚乎貧富命也貴賤分也孝弟之心則性也命不同分不齊而人之性豈以富貴

貧賤為加損耶蓋氏曰觀吾之譜者孝弟之心可以油然而生矣吾於是亦云譜既成并其說以示族人

趙衰贊 並序

明 王世貞

晉文公為三軍擇帥以謀於趙衰衰曰卻縠可說禮樂而敦詩書於是使卻縠將中軍使趙衰佐上軍王子曰成季之世有晉政也宜哉文公所起共患厄昆季支也狐犯雖親才實匪匹擇帥以將誰能踰之衰汲汲焉晉其素疎後之卻縠偃然居六卿首而已退處其五其於較勢專於集事又其論敦本而近乎道夫自宣孟而下幾祀矣其間厄於靈族於屠遺燼忽然迨至焄也衰實培之歟卻氏之後與范中行氏惡而卻亡范中行之後與趙氏惡而范中行氏亡迨其終也又併晉而亡之趙雖存其非成季意哉愚竊謂

太平縣志

卷三 藝文中

贊

十

成季佐晉他謀策未離春秋人物其薦卻縠母論鮑管遠可與岳牧同風吾既嘉成季之賢而悲後之嗣者寡也追為贊曰造交佐周俾熾厥後乃生子餘亡人是友既匡亡人以反晉轅曰子餘助大夫於原惟楚不共侯命擯之惟原大夫侯詢任之曰有卻縠能實勝子何以中軍禮樂詩書次者上軍次佐乃衰苟利晉社稷恤其他彼趙與卻長為夾輔諸其敗者衰軋以惡六卿為三三卿為國雖則有國覆茲先德赫赫成季休休有容敬贊淑節敢告丞公

文中子王氏諱通字仲淹其先漢徵君霸潔身不仕十八代祖殷雲中太守家于祁以春秋周易訓鄉里爲子孫資十四代祖述克播前烈著春秋義統公府辟不就九代祖寓遭愍懷之難遠東遷焉寓生罕罕生秀皆以文學顯秀生二子長曰元謨次曰元則元謨以將略升元則以儒術進元則字彥法卽文中子六代祖也仕宋歷太僕國子博士常歎曰先君所貴者禮樂不學者軍旅兄何爲哉遂究道德考經籍謂功業不可以小成也故卒爲洪儒卿相不可以苟處也故終爲博士曰先師之職也不可墜故江左號王

太平縣志

卷三 藝文中

傳

十一

先生受其道曰王先生業於是大稱儒門世濟厥美先生生江州府君煥煥生虬虬始北事魏太和爲并州刺史家河汾曰晉陽穆公穆公生同州刺史彥曰同州府君彥生濟州刺史一曰安康獻公安康獻公生銅川府君諱隆字伯高文中子之父也傳先生之業教授門人千餘隋開皇初以國子博士待詔雲龍門時國家新有揖讓之事方以恭儉定天下帝從容謂府君曰朕何如主也府君曰陛下聰明神武得之於天發號施令不盡稽古雖負堯舜之姿終以不學爲累帝默然曰先生朕之陸賈也何以教朕府君承詔著興衰要論七篇每奏帝稱善然未甚達也府君出爲昌樂

令遷猗氏銅川所治著稱秩滿退歸遂不仕開皇四年文中子始

生銅川府君筮之遇坤之師獻兆于安康獻公獻公曰素王之卦也何爲而來地二化爲天一上德而居下位能以衆正可以王矣雖有君德非其時乎是子必能通天下之志遂名之曰通開皇九年江東平銅川府君歎曰王道無叙天下何爲而一手文中子侍側十歲矣有憂色曰通聞古之爲邦有長久之策故夏殷以下數百年四海常一統也後之爲邦行苟且之政故魏晉以下數百年九州無定主也上失其道民散久矣一彼一此何常之有夫子之歎蓋憂皇綱不振生人勞於聚斂而天下將亂乎銅川府君異之

太平縣志

卷三 藝文中

傳

十二

曰其然乎遂告以元經之事文中子再拜受之十八年銅川府君宴居歌伐木而召文中子子矍然再拜敢問夫子之志何謂也銅川府君曰爾來自天子至庶人未有不資友而成者也在三之義師居一焉道喪以來斯廢久矣然何常之有小子勉旃翔而後集文中子於是四方之志蓋愛書於東海李育學詩於會稽夏璜問禮於河東關子明正樂於北平霍汲考易於族父仲華不解衣者六歲其精志如此仁壽三年文中子冠矣慨然有濟蒼生之心西遊長安見隋文帝帝坐太極殿召見因奏太平策十有二策尊王道推霸略稽今驗古恢恢乎運天下於指掌矣帝大悅曰得生

幾晚矣天以生賜朕也下其議於公卿公卿不悅時將有蕭牆之
釁文中子知謀之不用也作東征之歌而歸曰我思國家兮遠遊
京畿忽逢帝王兮降禮布衣遂懷古人之心兮將興太平之基時
異事變兮志乖願違吁嗟道之不行兮垂翅東歸皇之不斷兮勞
身西飛帝聞而再徵之不至四年帝崩大業元年一徵又不至辭
以疾謂所親曰我周人也家于祁禾嘉之亂蓋東遷焉高祖穆公
始事魏魏周之際有大功於生人天子錫之地始家於河汾故有
墳隴於茲四代矣茲土也其人憂深思遠乃有陶唐氏之遺風先
君之所懷也有敝廬在茅簷土墼撮如也道之不行欲安之乎退

太平縣志 卷三 藝文中 傳 三

志其道而已乃續詩書正禮樂修元經贊易道九年而六經大就
門人自遠而至河南董常太山姚義京兆杜淹趙郡李靖南陽程
元扶風竇威河東薛收中山賈瓊清河房元齡鉅鹿魏徵太原溫
大雅潁川陳叔達等咸稱師北面受王佐之道焉時往來受業者
不可勝數蓋千餘人隋季文中子之教興於河汾雍雍如也大業
十年尚書召署蜀郡司戶不就十一年以著作郎國子博士徵並
不至十三年江都難作子有疾召薛收謂曰吾夢顏回稱孔子之
命曰歸休乎殆夫子召我也何必永厥齡吾不起矣寢疾七日而
終門弟子數百人會議曰吾師其至人乎自仲尼以來未之有也

禮男子生有字所以昭德死有諡所以易名夫子生當天下亂莫
子宗之故續詩書正禮樂修元經贊易道聖人之大旨天下之能
事畢矣仲尼既沒文不在茲乎易曰黃裳元吉文在中也請諡曰
文中子絲麻設位哀以送之禮畢悉以文中子之書還於王氏禮
論二十五篇列爲十卷樂論二十篇列爲十卷續書一百五十篇
列爲二十五卷續詩三百六十篇列爲十卷元經五十篇列爲十
五卷贊易七十篇列爲十卷並未及行遭時喪亂先夫人藏其書
于篋笥東西南北未嘗離身大唐武德四年天下大定先夫人返
于故居又以書授于其弟凝文中子二子長曰福郊少曰福時

太平縣志 卷三 藝文中 傳 四

御史楊公傳 明史卷二百三十三 列傳第一百二十一 明史

楊天民字正甫山西太平人萬曆十七年進士除朔城知縣調任諸城有異政擢禮科給事中時方纂修國史與御史牛應元請復建文年號從之二十七年狄道山崩下成池山南湧大小山五天民言平地成山惟唐垂拱間有之而唐遂易為周今虎狼之使吞噬無窮狗鼠之徒攘歟難厭不市而征稅無礦而輸銀甚且毀廬壞冢籍人肯產非法行刑自大吏至守令每被譴逐郡邑不肖者反助虐交歡藉潤私橐嗷嗷之眾益無所歸命懷樂禍心有土崩之勢天心仁愛亟示譴告陛下尚不覺悟翻然與天下更始哉不

太平縣志

卷三 藝文中

傳

五

報文選郎中梅守峻貪黷將擢太常少卿天民劾罷之延綬總兵官趙夢麟潛師襲寇以大捷聞督撫李汶王見賓等咸進秩予廕寇乃大入殺軍民萬計汶等又妄奏捷天民再疏論之奪見賓職夢麟戍邊汶亦被譴天民尋進右給事中冊立久稽再疏請不報無何貴妃弟鄭國泰疏請皇長子先冠婚後冊立天民斥其非國泰懼委罪都指揮李承恩奪其俸順天湖廣鄉試文多用二氏語天民請罪考官楊道賢顧天竣等疏留中二十九年五月天民復偕同官上言請早定國本帝大怒謫天民及王士昌雜職餘奪俸一年以士昌亦給事禮科也時御史周盤等公疏請亦奪俸天民

得貴州永從典史至九月帝迫廷議始立東宮而天民等卒不召天民幽憤卒天啓中贈光祿少卿初天民去諸城民為立祠其後長吏不職父老率聚哭祠下

太平縣志

卷三 藝文中

傳

六

...

同知張公傳

明太僕 潘雲翼 太原人

張爾恕字紹魯號忠宇世為太平之西黃莊人少聰慧剛愎識事

機勇冠補弟子員喜涉獵工文辭聲譽序間尋佩萬曆壬午舉

於鄉一時人士翬稱之十試春官不第謁選授湖廣新寧知縣寧

古夫藪地也俗雜峒苗稱難治時司銓為孫公鼎相雅善爾恕召

謂之曰以公才何往不宜此邑民疲且頑幸勿多事爾恕深然之

任六年而政成陞四川成都府判職兵馬糧餉鎮寧越值藺賊奢

崇明倡亂全蜀震動乘勢逼成都指揮冉世洪等禦之多陷沒賊

黨千總黃光輝謀據越殺長官以應作銀刀自佩跡已露屬吏在

太平縣志

卷三 藝文中

傳

七

越者皆懼議欲棄城去爾恕厲聲曰有我在若何能為俟數日當

為諸君擒之遂設計發兵斬其首馳示賊賊氣沮圍城都凡百有

二日而解越卒無虞事聞經畧張公我續巡撫朱公燮元御史薛

公敷政咸稱爾恕功因會疏改判署為同知署寧越有同知實自

此始繼又會疏擢遵義監軍遵義時屢復屢陷守不得入聞賊至

輒先期遁爾恕長於方畧善撫馭故欲擢之卒以忤權璫罷歸初

爾恕蚤孤父九巖歿時纔四歲母李夫人鞠之卒業居家孝弟篤

宗黨誼宗中有立後及異姓子嗣宗人者多賴其力以就及貴益

加篤舊有憾者人自危以為且報之竟弗與較縣車後絕跡城市

瀟灑林麓日惟經史自娛著周易集解刻女孝經諸書年七十七

卒子瑞翔翰翔鳴呼公之功其可泯也哉方會城被圍時朱公燮

元以逸待勞可以稱勝矣然呂公車一攻城中且為力憊獨使若

光輝者逞厥志焉賊必不即遁不即遁則效尤作亂者且將蠶起

蜀其尚為國家有乎余既與公稱世好而又官外史宜有以紀故

直書其事俟後之君子採覽云

太平縣志

卷三 藝文中

傳

六

運長懷谷張公傳

明侍郎李瑾襄陵人

公諱光字叔孚懷谷其別號也世為太平巨族公祖諱學舉宏治乙卯任青州昌樂縣博士公父諱鵬程舉嘉靖辛卯尹鞏昌成縣封文林郎俱以公貴贈中大夫廣文獨冷之官富吳興之道德豫章一錢之郡婉劉寵之清廉式教之貽茲其槩也公生而幼穎十歲蚤孤家徒四壁篝燈絕韋少列子矜年三十三而舉於鄉然數對公車不偶以需次選人授漢中郡丞職司清軍水利時軍多逃亡公獨悉心清勾戎政以飭其他如靖興安之巨盜則朝歌之縛寧季也寢汚縣之采金則良夫之斤榮懿也以城固漂木佐公

太平縣志

卷三 藝文中

傳

七

帑則南海守之不敢越裝也說者謂治狀如公宜得璽書贈重優以內使不然亦不失神臯與壤以去乃竟遷廣南郡守會武定兵變將吏功罪未明公承核一以至公以故刑賞始定人人悅服未幾調廣西郭東見有流泉捐俸鳩工鑿山引水灌腴田數千頃溷民利之復興學教士創立會文館擇民間俊秀而課之墾田給穀載入郡志永作學田以裕館會之需尋陞山東運使鹽政久敝釐額請奏至今視解平徵者例由公創也及謝政歸敦崇禮教化鄉善俗足跡不履公庭卽有他適敝車羸馬過之者不識為輦上人且度量寬宏廣為施予生平與物無忤卒之日里人哀之其感素也余係鄰邑敬慕公之為人姑據其耳而目者為之傳云

隆平令王公傳

明布政翟時雍襄陵人

太平王先生諱體恒號紹齋少司徒述齋公季弟也穎敏嗜學經目不忘萬歷乙卯薦賢書屢赴南宮不遇謁選授直隸隆平尹蒞任後佩服家訓一以潔己愛民為念卽稅羨贖錢毫無濡染更實心實政治績不著地方獲享安靜之福偶以忌者含沙遂致政旋之日隆民涕泗不忍舍雖行李蕭條罔恤也抵里不問家計惟於祖西園公所創蔬圃中植異卉奇花偕二三知己讌飲對奕繼晷不倦復留心經史加意文義為諸子姪訓壽躋八十而卒里人咸曰若王公者可謂生順歿寧矣

太平縣志

卷三 藝文中

傳

二

大城令毛公傳

明侍郎劉令譽洪洞人

大城令毛公者太平人諱雲翰字圖南念西其號也生而穎敏富於學從遊者甚眾天啟辛酉領鄉薦屢上春官試不偶謁選大城令清吏弊除土豪訓俗以儉民戴之有召杜遺風丁內艱歸泣血廬墓人以大孝稱嗣補武強令會值多故鄰邑震甚獨譚笑禦之境內卒無虞凡所施為一如蒞大城時著有訓士八議勸民十款尋致仕居鄉仁厚族黨無不懷其德者年六十三而卒

石泉令王公傳

明僉事 鄭 寅 稷山人

心劬王公者平之望族也諱體豫生而嶷秀美如冠玉迥異凡兒家兄少司徒公最愛之弱冠補弟子員萬曆乙卯膺鸚鵡春榜不獲登厄於數也署壽陽諭為學約以戒諸生尚行誼嚴課試拔其雋者肄業齋舍時吳公玉頁奇才攻苦無資分俸以贍之後得成進士任烏臺實公造也陞陝西石泉令邑稱瘠民又疲素號難治公至加意約束示以誠信催科不擾撫字得宜環邑無不家尸而戶祝之以其性孤介不習姘媾致有改調議士民含淚叫囂欲朋

太平縣志

卷三

藝文中

傳

三

遂拂袖歸家徒四壁自視欷然惜年僅五十而卒然奕葉遐昌蒼蒼者殆有以報公也

容城令張公傳

郭衛宸

公諱承業字富衷號修吾以明經授山東寧陽司訓敦禮崇信多士式型民間利害每慨然言於令合境德之按臺王謝二公相繼薦擢保定容城令革火耗平訟獄實倉廩修城池與隣邑以去就爭送鞠之擾疏汜濫水使不病稼廉潔持己愷悌作人年猶強仕即動念募贖客人樹碑肖像歸里後惟與知己坐隱號福譚先生年八十七卒夫東山栗里伊何人斯而門外展聲孰與籬邊菊典公以強年終隱可謂心逸日休矣

太平縣志

卷三

藝文中

傳

三

願齋曹先生傳

王體復

曹先生廷宣字汝賢號願齋少與先方伯同廩於庠以學問文章深相契門下士數十人登甲第者二為郭叅政萬里楊給諫天民皆大有建樹及貢期病不能試學憲遙授冠服延鄉賓者歷七邑今年七十九卒於戲士君子抱道不逢有藏一卷於名山以期後世之或傳者矣先生及門得人不可謂其福未蒼生勳未社稷矧其澤固未艾耶

主政盧先生傳

峨眉令 喬堯仁 襄陵人

盧先生諱以岑號峪南晉之平邑人也甲子薦賢書謁選得直隸
撫寧令釐奸剔弊剖別曲直如霹靂手撫寧為之一治邑西有山
政暇尋證謂土人曰中有燃石世之所謂炭也鑿之果得開數百
年來未嘗有之大利邑人祝之復為飭金湯除戎器民初有怨言
後值變一方以此獲安兩臺交薦以為未雨綢繆擢農部主政年
七十餘致仕旋里捐資修城賑饑全活甚眾勸化鄉人禁止酒賭
二十年里中無作訟甲申闖變挺身不屈憤而卒噫若先生者得
山間男子氣多而更濟以學術也余憶先生偉幹修髯口若洪鐘
太平縣志 卷三 藝文中 傳 三十三

其有是乎其有是乎

贛經籓君傳

魏公韓 黃岡

庚午之夏六月余初蒞平邑流寇正出於西山城池戎器一無可
恃思得一異常才共圖守圍而邑之人並不識兵革為何事忽於
諸生中得籓君乃少年廩也語以機宜慷慨抵掌談言皆中遂與
之日夜俾倪間設施守具無不有法又為余策一擊五更勒馬渾
身是膽及對壘進退作止如老將惜所部百夫不過鄉愚郡遣領
兵者竟玩寇不與戰寇得狃厥山麓村莊大被劫掠君奮然赴闕
疏其狀聞於上上怒置玩寇者於法大發救援寇遁去平賴以安
夫做秀才而以天下國家為己任者曾幾何人余於是知君之風
太平縣志 卷三 藝文中 傳 三十四

期遠也後數年遂以明經授河南懷慶經歷君不卑小官恪共乃
職諸臺司奇君才令署原武縣約已勤民政聲翦起會遭闖變至
順治三年補江西贛州經歷時地方久殘大兵初至巡撫苗俾君
建營舍儲糧草修城池招逃亡君悉力為無負委諸凡撫務無不
出於君者一時兵民皆稱為小都憲不意積勞成疴卒於官歸櫬
無資上臺郵助之冢即便道過余計君苦况愷國家求治若渴不
以資格限人以君之才得大展布奚難於位中樞佐廟謨建樹鴻
駿流光竹素何長才短馭遽赴玉樓召耶余與君患難交知君之
深故不禁含淚濡毫紀其梗概以示後之聞君 風者諱吾民字後
我解懸其別號也

別駕韓公傳

邑貢生 王體益

公諱惟叙號紹泉明萬曆甲午科舉人濟南司馬公智之曾孫自少穎悟博極羣書靜默寡言莊莊乎君子蚤為弟子員篤志前修一切利慾之私澹如也萬曆甲午領鄉薦遂講學河汾要以正誼明道為先大得龍門遺意授直隸海門令視事五載以廉明仁厚著聲故直指使者有才猷安練品格端方之譽逮督撫漕鹽靡不交章剡公嗣邀覃恩例膺封誥榮其尊人天下皆想望公之丰采計必卓異入臺垣詎公正直性成不屑以道自貶阿諛承順非其所尚乃事與理違僅擢太平府倅去邑日士民如失慈母詣軍門

太平縣志

卷三 藝文中

傳

五

皆曰公貞廉之報

近山楊公小傳

王椿

公諱聯芳號近山南膏腴人性剛方端介遇人有過愆直言規勸眾胥敬畏以貢選陝西蒲城訓不責貧士束脩章縫頌德著祀禮通考有功聖賢凡蒲令行事稍拂民情敢糾以正語勞怨勿避民間訟獄多不之令而之學轉山陽諭以無子具文乞休蒲士子不忍其去圖形製冊者甚夥秦中侈為美談歸里結土穀社與鄉人互相娛樂所餘清俸自脩墳墓日優游松菊間以終其天年邑議請祀鄉賢竟以無後未成仁人君子終為深憾雖然其風致自為今昔所艷羨焉

太平縣志

卷三 藝文中

傳

五

雲谷盧先生小傳

邑庠生

郭才府

盧先生諱向明號雲谷庠增廣生端莊曠遠有嶽峙淵疑之槩為士林翹楚腹笥博貯不減天祿石渠好為古文辭楷模唐宋大家與中丞王公稷邑少叅梁公為執友每以詩筒廣和如搏活虎生龍不欲少有不及丐文者趾錯於庭諸上臺多檄徵之無不推為大手筆先司農恒樂道焉余得於柳州王公平邑人文中慕藉其畧如此於戲先生諸生也而名重於北海東山語云文章不朽信夫

別駕乾宇曹公傳

王椿

公諱光啓字惟賢號乾宇邑之德化坊人嘉靖戊午膺鄉薦署太
原庠教授委訂史記評斷曲當陞河南永寧令裁里甲之供蘓疲
鎮之苦譽津津起偶以失謁忤上司意左遷德安廣文尋丁艱再
補西安庠課士有法握篆邠耀兩州民胥頌之陞鞏昌通判督理
紅鄭糧餉首謫積吏王良河蠹商張大秋戍于邊政令一肅轉餉
不匱大為經畧鄭公賞識至卻鹽商萬金之利免軍伍庚癸之呼
絕莊浪鄉賈之託其清介人所難及致政歸蕭然宦橐里居葛巾
野服脫粟茹蔬耽讀書如少年時與人處春風和氣無不樂與之
太平縣志 卷三 藝文中 傳 三

善家焉

就者舉鄉賓一赴輒辭卒年七十有九諸子若孫世守耕讀稱良

明經王公父子合傳

明知府 成伯英 鄉字

公諱體益號肖齋聰慧過人少補博士弟子員食廩佩天啟辛酉
以明經貢於國年高不仕一以澹泊自甘與少司徒公隆平公石
泉公為兄弟人稱一胞四鳳門第焜赫城邑竟居於孝子村中努
力下帷課諸子以詩書至於一切非分之事蓋未嘗過而問也子
諱楫號說舟綽有父風貢士任澤州司訓繼選平遙教諭後遇闖
變遂絕意仕進遊跡山林潛心著述刊文山房集年八十而卒若
公之裔梓胥貴介也而不以貴介矜其立心制行如寒士究得成
其高尚之志倘所稱謾謾松下風者非耶余蓋於公想見其概矣
太平縣志 卷三 藝文中 傳 天

敬修賈先生傳

衛公靖

賈先生中字四虛號敬修北柴里人性迂介綽有古人風少事辛
復元師勵志聖學凡無益身心無補世道者皆弗言弗行一時就
正其門者蓋濟濟焉值闖亂閉戶高隱自號為汾陰山人著衍易
全書患難語幽人心聲等籍以至飲食男女有箴起居几杖有銘
多發先儒之所未發易曰履道坦坦幽人貞吉其賈先生之謂與

王太守傳

王錫韓

王太守椿者字大年，中丞贈司徒公體復家子也。司徒公嘗撫貴州，甚有聲。卒之日，天子錄前勳，勅祭葬，有加。仍廕太守官。生初官生蚤，佩於庠，然數奇，積學屢不第。以哭司徒公幾骨立，除服復積學。如故天啟壬戌，以母衛太淑人命始就選，初除通政司知事。已轉前軍都督府都事。已又擢南太僕寺寺丞，自知事至丞，率冷局然，並能舉職，効材一時。堂翁若何匪我，吳本如吳清平，伯咸器重之名。由此顯。丁卯陞南戶部主事，尋以母艱歸，營葬哀毀一如喪。司徒時無憾，制起補刑部廣東清吏司主事。故事刑司號西翰林。

太平縣志

卷三 藝文中

傳

三九

言無事也。而是時端皇帝責治頗急，以法繩臣下，刑曹讞大獄無虛日，稍不稱旨，輒罹重譴。部郎值公出卒，遷延不復職。廼主事，獨攝廣東司。率平反無難色。時劉次金吾僑者，忠謹人也，素不附東廠。緝事會坐奉密諭，不報下刑部獄。詔擬大辟，無赦。部難之，以屬廣東司。為力白其素，蓋且言無可坐之律。乃改擬杖奏之上，不許仍手批切責。既廼因部議改擬徒，又再擬戍。上批責之，倍切。或云上怒甚，權如擬可耳。主事曰：大辟乃權擬云乎？國法固足虞，而公道何可枉？不見附魏黨羅織者之災，竟耶？聖怒倘不測，獨引罪而已。無預諸君事。奏凡四上，上怒益甚。次且詔主事詣平臺，厲色詰

之仍執奏如初，上拂袖歸。久之，上悟其言，劉得減死獄，乃解。初劉

之羅獄也，閣部暨臺諫諸臣，皆知其冤，然無敢言者。卒賴主事

言得釋。由是天下愈益賢之。已移主事河南司員外，遷江西司郎

中，尋出為柳州太守。柳猗獠雜處，頗難治。太守善撫綏，安之。居一

年而政成，會揭報兩贖吏兩贖吏，故有司道援反。先於巡按誅太

守太守遂致政歸。太守始四載，歷刑曹主政，凡三歲，為郎數閱月

耳。時廠衛緝事嚴，罪多有誣服者。遇主事輒全活。具詳西曹，帝錄

中在柳政甚夥，尤留心獄訟。如正趙奮羈之廕，白吳寅賓之寃。最

膾炙人口。歸之日，柳人泣送者千里外。不絕。後巡按按部至柳，廉

太平縣志

卷三 藝文中

傳

三

得狀，殊自悔，然已無及矣。太守初號念嚴，晚自號醒夢子，耽吟咏。有子一曰宏茂，以恩拔貢。家事一聽之。日與郭民部鹿俠及諸叔昆季相唱和。年七十六卒。論曰：太守公蓋明允君子也。世多稱之，然亦有故哉。方甲申之變，鬪李以索餉為詞，考掠邑，縉紳多有死者。已聞太守雖歷官久，然貧甚，遂釋之。去昔人有言：廉生公，公生明。余於太守亦云。